



Gregorius sua eruditione & prudentia effecit, ut utriusque Iuris Doctor crearetur, idque eo tempore cum Concilium Basiliense inchoaretur, anno millesimo quadringentesimo tricesimo. Cum autem postea Eugenius sese huic Concilio opponeret, atque suum primatum stabilire contendere, Gregorius feruenti spiritu commotus contra primatum papæ (præsertim politicum) breuem at eruditum libellum conscripsit. Composuit etiam plures orationes & epistolas, atque Appellationem pro Sigismundo duce Austriæ contra papam. Cum enim Sigismundus cum Nicolao Cusano Cardinali & Apostolico Legato contentionem habu-

isset, atque res à uerbis fere ad uerba peruenisset, Sigismundus hunc Gregorium Romam misit, ut in ea causa sibi patrocinaretur. Verum pontifex Pius huius oratoris uehementia commotus, & ducem & eius nuntium excommunicauit. de qua controuersia Paralipomena Urspergensis tradunt. Habitauit is aliquandiu Basileæ in Concilio, atque Aeneæ Syluio familiaris fuit. Postea Norinbergam uenit, atque eorum Syndicus constitutus, per triginta annos ibidem magna existimatione uixit, ita ut etiam ab Italis, præsertim Venetis, magni nominis esset.